



ЗАМАН



Газета издаётся на балкарском языке с 1924 года

Интернет-версия: gazeta.zamankbr.ruКЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Жыйылыу

Озгъан жылны эсеплери сюзюлгендиле, борчла салынгандыла



КЪМР-ни Башчысы Казбек Коков Къыйын болумладан сакъланыу, аланы хаталарын кетериу эмда от тшоюнуу болдурмау жаны бла комиссияны жыйылыуун бардыргъанды. Анга КЪМР-ни Правительствовосуну Председатели Мусукланы Алий, Россейни МЧС-ини КЪМР-де Баш управленийсыны таматасы Михаил Надежин, РФ-ни Президентини СКФО-да толугу эркинликке келечисини аппаратыны КЪМР-де федерал инспектору Тимур Макоев, министрле, шахарланы бла районланы администрацияларыны башчылары да къатышхандыла.

Ахыры 2-чи бетдеди.

Парламент

Сенатор бла байламлыкъла кючленириkdir

КЪМР-ни Парламентини жай сессияда биринчи жыйылыуунда республиканы законла чыгъарыуучу органыны РФ-ни Федерация Советинде келечисини, бюджет эм финансы рынокла жаны бла комитетни башчысыны орунбасары Улбашланы Мухарбий былтыр кюз арты сессияда тамамлагъан ишини эсеплери бла шагъырей этгенди депутатланы. Кенгешни спикер Татьяна Егорова бардыргъанды.

Сенатор былтыр РФ-ге, республикага да бизге къажу болгъан къыралла кийирген санкцияланы болумунда ишлерге тюшгенин чертгенди. Аны себепли Правительствогога, РФ-ни Ара Банкына, республиканы власть органларына да финансы болумуну тапландыруу жаны бла мадарланы къысха замананы ичинде къабыл керюрге тюшгенди.

Ахыры 2-чи бетдеди.



Белгилеу



«Сталинград сермешде хорлам уллу магъананы тутханды»

Къабарты-Малкъар Республиканы Башчысы Казбек Коков республикада жашагъанланы Сталинград сермешни 80-жыллыгы бла алгъышлагъанды.

«Бююн биз деменгили къыралыбызны тарыхында магъаналы кюнню белгилеу – Сталинград сермешде немис-фашист аскерлени ууатханыбызны 80-жыллыгын. Ол сермеш Улуу Ата журт урушда бек уллуду. Атышыула 1942 жылда 17 июльда башланып 1943 жылда 2 февральга дери болгъандыла.

Сталинград сермешде хорлам энчи магъананы тутханды, Экинчи битеудуния урушда болумну тюрленнгенини аллы эди ол. Ол кюнледе Волганы тийрелеринде къыралыбызны эмда битеу адам улуну къадары къаллай боллугу белгилене эди. Фашистле Кавказда да жеталмагъандыла муратларына, аны уа душман, къыралны теренине ётерча, керекле тапдыргъан мурдор этерге умутлу болгъанды. Сталинград ызда аскерлерибиз жетишимли болгъанлары себепли Шимал-Кавказ чабыуул операция башланганды. 11 январьда окуна Совет Армия Къабарты-Малкъарны, къыралны къыбыла жанлы башха регионларын немис-фашист ууучлауучуладан эркин этгенди.

Сталинград тийресинде таурухлу сермешде Къабарты-Малкъарны уланлары да сермешгендиле. Аладан асламысы хорлам ючюн жигитлеча жан бергендиле. Бизни аскерчилерибиз хар тийре, хар юй ючюн жанларын аямагъанлай кюрешгендиле. Ата журтубузну кертчи уланлары – ала ёз жерлери, келлик тёлюлени мамыр жашаулары ючюн къзауат бардыргъандыла.

Кызыл аскерни, Сталинградны адамларыны жигитликери – ол деменгили кишиликни, кючлюкюню эм жигитликни юлгосюду. Биз Сталинград сермешни батырларыны хурметлерине баш урабыз. Аланы жигитликери ёморледе да Россейни кеп миллетли халкын бирлешдирген юлго болгъанлай турлукъду», – деп айтылнады КЪМР-ни Башчысы Казбек Коковну обращениясында.

Сюд приставла

3 бет

Эм башы – инсанланы законлу излемлерин толтуруу



Сюд приставланы Федерал Службасыны КЪМР-де Управленийсы былтыр ишини эсеплерин чыгъаргъанды. Ала бла журналистлени ведомствону башчысы Бауаланы Ахмат шагъырей этгенди.

Кёрмюч

12 бет



Нартла журтуну хазналары бюгюнню суратчылары ишлеринде

Бу кюнледе Суратлау искусстволаны А. Л. Ткаченко атлы музейинде «Нартла журтуну хазналары» деген ат бла сурат кёрмюч бардырылады.

Жаңадуурдук

Къолларыннан келгенни аямайдыла

Къабарты-Малкъарны Башчысы **Казбек Кокковну** буйругу бла Бахсан районда энчи аскер операциягъа (СВО) мобилизация бла чакъырылганлагъа эм аланы юйюрлерине да тийишли болушлукъ тапдырылады. Аны юсюнден бизге муниципалитетни ад-

рейленедиле. Анга кёре тюрлю-тюрлю болушлукъ тапдырадыла. Ол санда 5-11-чи класслада окугъан сабийлери хакъсыз жылы аш бла жалчытылынырча мадар этилгенди. Андан сора да, сабий садлагъа хакъ тэлеуден эркин болгъандыла.

хотия, Куба-Таба эм Тёбен Куркужинде аскерчиле жашаган бир къауум юйюрге кёк отлукъ тартылырча мадар этилгенди. Аны бла бирге энчи операцияда борчларын толтургъан жюзден аслам инсаннга сауғала да берилгендиле. Районну администрациясы эллени таматалары бла бирге ата журтларын къоруулагъан жерлешлерин терк-терк жокълайдыла эм къолларыннан келгенча болушлукъ этедиле.

Жыл башланганлы районну билим беруу учрежденияларыны, жамаут биригулени эмда уллу кёллю болмагъанланы кючлери бла жылы кийимледен, адамгъа биринчи керек абериледен, аш-суудан эки тонна чакъла ашыргъандыла. Аны бла чекленип къалмай, жыйылган ахчагъа «УАЗ 424» санитар машина да алгъандыла. Саулай алып айтханда, бюгюнлюкде район 8,5 миллион сом багъасы болушлукъ этгенди. Анга энчи къолладан тышген эм бюджет ахча да киреди.

Бизни корр.



министрациясыны пресс-службасындан билдиргендиле.

Аскерчилени юйюрлери жунчумазча районда уллу иш бардырылады. Администрацияны келечилери алада болум бла шагъы-

Администрацияны келечилери право соруула бла байламлы эсгертиле тапдырадыла, коммунал тэлеулени жабаргъа, жер кюлюш къоллу болургъа да болушадыла.

Эсге сала айтсакъ, Жангы жылны аллында Жан-

Жетишим



Бизникиле – алчыланы санында

Красноярск шахарда алгъаракъда дзюдодан битеуроссей турнир этгенди. Анга 23 жыллары толмагъан спортчула къатышып, кеслерини усталыкларыны ачыклагъандыла. Къабарты-Малкъардан ол эришиуледе тренерле Дмитрий Ивановну бла Андзор Апхундовну сохталары Гайылары Омар (100кг), Хажме-

тов Кантемир (81кг) эм Кодзов Кантемир (66кг) кеслерин кёргоутгендиле.

Жашла барысы да кеси аурулукъларында финал сермешлеге дери жетип, алада биринчиликлени ычхындырып, «кюмюшлеге» тийишлиле болгъандыла.

Болум



Жарсыуну сылтауу – эссизлик

Элбрус излеу-къутхарыу отрядны дежурныйине Минги тауда 3500 метр бийикликде лыжачыладан бири буз ыраннга кетгенини юсюнден билдириу келгенди. Тохташдырылганнга кёре, ол белгиленген ызын чеклеринден чыгып учаргъа суйгенди.

Кыйын болумгъа тышгеннге болушлукъгъа 3 къутхарыуу атлангандыла. Насыпха, ала аны терк табып чыгаргъандыла. Жарсыуу, ол, аркъасына хата жетип, ёлгенди.

Ол 1975 жылда туугъан Ростовдан келген турист эди. Къутха-

рыуучула аны Азау талагъа тышюрюп, медиклеге бергендиле. Ишни болуму тинтиле турады, ёлюмню сылтауун да тохташдырыу жаны бла жумушла тамамланадыла, – деп билдиргенди РФ-ни МЧС-ини КъМР-де Баш управлениясыны пресс-службасыны таматасы Кантемир Беров.

Къутхарыуучула лыжала бла учханладан белгиленген ызыладан тышына чыкмазларын тилейдиле. Нек дегенде, аллай эссизлик аланы жашауларын юзерге боллукъду.

КЪАСЫМЛАНЫ Аминат.

Билгириу

Болушлукъ керекди

Бахсан шахарда жашагъан Тахахов Темир Нургалиевичге болушлукъ керекди.

Ол 1986 жылда туугъанды, аны къан бла байламлы аз тубеген ауруу барды. Анга багъар ючюн, костный мозгну кёчюрюрге керекди. Россейли эм дуня тизмеледе да донорла табылмадыла. Анга жуукъ жетмеген эмда аны къанына 100 процентге келишген адам изленеди.

Саусузгъа болушур ючюн 4 миллилитр къан берирге керекди. Аны бла уа жаланда ол саусузгъа жарарыгын бла къаллыгын билликдиле. Къанны Нальчикде Тарчоков орамда, 12-чи номерли юйде орналгъан «Къан алыучу службада» аладыла. Аны берир ючюн, ары паспорт эмда СНИЛС бла келирге керекди.

Къан берген адам В эмда С гипатитден, диабетден, СПИД-ден, сифилистен аурумазгъа керекди. Анализлени эсеплери донорлукъну россейли тизмесине киредиле эмда анда сакъланадыла. Къаныгъыз жарагъаны ачыкъланса, Москвагъа барыргъа тышерикди. Анда уа тийишли медицина тинтиле бардырадыла эмда къандан 150-200 миллилитр аладыла.

Къан алыу къоркъуусузду эмда хатасызды. Доноргъа жол хакъы, къонак юйде тургъан кюнлери да тэлеунедиле. Къанны бюгюн берсеги, тамбла биреуню жашауун сакъларыкъсыз.

УФБ

Эркинлигине чек салынырыкъды

Экстремизмге къажу мадарланы чеклеринде Россейни ФСБ-сыны КъМР-де Управлениясында къуллукъ этгенле республиканы инсананы аманлыкъ ишин тохтатхандыла. С.Кудаев социал сетьледе экстремизм чакъырыуула бла суратла басмалагъанды, деп билдиргендиле бизге кюч ведомствону пресс-службасындан.

Нальчикни шахар сюдю С.Кудаев РФ-ни

УК-сыны 280-чи статьясыны 2-чи кесегине бузукълыкъла этгенин тохташдыргъанды. Сюдно оноуу бла аны эркинлигине эки жылгъа чек салынырыкъды. Дагъыда анга жылны ичинде сайтлада электрон эм информация-коммуникация сетьледе ишлерге жарамагъаны да тохташдырылганды. Сюдно оноуу кючюне киргенди.

ТИКАЛАНЫ Фатима хазырагъанды.

Эришю

Жорукълагъа гитчеликден тышюндюрюу

Къашхатауну Маданият юйюню китапханасында ишлегенле «Керти сёз» деген ат бла адабият конкурс бардыргъандыла. Анга республиканы кёп районларындан да иги кесек жаш адам къатышхан эди. Бу кюнледе уа аны эсеплери чыгъарылгандыла. Анга жораланган жыйылуугъа Россейни Ич ишле министрствосуну Къырал автоинспекциясыны Черек районда бёлкюмюнде къуллукъ этгенле да чакъырылгандыла. Ала конкурсха

къатышхан жашлагъа бла къызлагъа жолда къоркъуусуз жюрюню жорукъларын, белгилени да юслеринден шарт юлгюле келтирип анылатхандыла, ата-аналагъа уа сабийлери кийимлеринде къарангыда кёрююрча белгиле тигерге неда жабышдырыргъа кереклисин эсгергендиле.

Дагъыда полициячыла жашлагъа бла къызлагъа жол жанларында соелген белгилени къайсылары не магъананы тутханларын билдиргендиле, машинада



баргъанда къоркъуусулукъну жорукъларына сакъ болургъа кереклисин да анылатхандыла.

Тюбешиуню ахырында уа полицияда къуллукъ этген-

ле бу ишге къатышхан жашкимге да кече кёрюнген белгилени бергендиле, сакъ биле бла бирге суратха да тышгендиле.

ХОЛАЛАНЫ Марзият.

КЁРМЮЧ

Нартла журтуну хазналары
бюгюнню суратчылары ишлеринде

Көрмючню ачылыуна эки республиканы да интеллигенциясы, санат, маданият келечилери, журналистле, устазла, школча, башха жамауат да келгендиле. Аны КЪМР-ни маданият министрине орунбасары Къарчаланы Аминат ачханды. Ол, келгенлени бу көрмючню ачылганы бла алгышлап, аны магынасы бюгон къалай терен болганын чертгенди. «Нарт эпос – битен да кавказ культураны эсгертемесиди, бизни барыбызны да хазнабызды, – дегенди. – Эрте заманладан башлап, бюгоннге дери художникле аны жигитлерин – нарт батырлары – суратлап келгендиле. Бу көрмючде Къарачай-Черкесни бла Къабарты-Малкъарны художниклери эртегили махтаулу эпосузу къалай көргенлерин ачыклагандыла».

Республиканы Парламентини депутаты Бечелланы Людмила, көрмючню энчи магынасын белгилеп: «Бу бизни тамырыбызды. Биз бюгон сабийликден эшитген нарт

Бу кюнледе Суратлау искусстволаны А. Л. Ткаченко атлы музейинде «Нартла журтуну хазналары» деген ат бла сурат көрмюч бардырылады. Аны Къабарты-Малкъарны, Къарачай-Черкесни да маданият министрстволарыны болушлугу бла регионла аралы маданият эм жарыкландыруу совети, Къабарты-Малкъарны, Къарачай-Черкесни художникле союзлары къурагандыла.

батырларыбызны керебиз. Тамырларыбызгъа къайтыу – бек уллу ишти. Мында зал не заманда да толу болурун сюеме. Бютюнда жаш адамла келселе игиди, эртеги тарыхыбызны билирча», – дегенди эм музейге Пушкин карта бла келирге боллугун да чертгенди.

КЪЧР-ни илмусуну сыйлы къуллукъчусу Тамбийланы Бурхан Къарачайгъа, Малкъаргъа да бу иш энчи болганын – биринчи кере этилгенин белгилегенди: «Бу көрмюч Нарсанада баргъан, нарт эпосха аталгъан семинарда тамыр алганды. Аны башда айтылгъан советни учредители Жабелланы Лидия къурагъан эди. Көрмюч алда

Черкеске барганды, энди Нальчикде ачылады. Сау болсулла халкъыбызны бу уллу хазнасына эсибизни бурдурабыз деп, көрмючню къурагъанла», – дегенди.

Къабарты-Малкъарны Художникле союзуну председатели Жанна Канукова, көрмючню къурагъанлагъа ыспас этип: «Мында аламан суратланы асламысы нарт эпосха аталады. Ол энчи белгилерча шартды. Хар ким да кесини тамырларын билирге керекди, билип, аланы ызындан келгенлеге ётдюрюрге», – дегенди.

Поэт Табакъсойланы Мухтар Сагъынылгъан совет кеп ишке келленгенин, алай а баш жумушуна къарачай-малкъар



«Ёрюзмек бла Сатанай». Ахматланы Леуан.



«Къарашауай бла Гемуда». Тамбийланы Бурхан.



«Сосурукъну туугъаны». Хочуланы Арсен.

халкъ эпосну кенг жайыну санаганын айтханды. «Бу көрмючде художникле нартланы ариу дунияларын суратларгъа итингендиле. Нарт эпосну билиу сабийлени адамлыкъгъа юйретиуде бек керекли дерсди», – деп, бу көрмючню этерге болушханы ючюн эки республиканы да маданият министрстволарына ыразылыгын айтханды.

Советни председатели Къочхарланы-Биттирланы Людмила художниклеге илхам, иги ишле, къараулаула да саулулк, ма-

мырлыкъ тежегенди эм быллай байрамла бизни халкъларыбызда энтта да кеп болурларын сийгенин билдиргенди.

Къарар затла уа бар эдиле – къарачай-малкъар жигитлик эпосха аталгъан живопись, графика суратла, къол усталаны ишлери – жюзден артык чыгарма. Художниклени къайсы бла да ушакъ этер онг да болганды ол кюн келлеге.

Тамбийланы Бурхан: «Къарачайдан бу ишлени авторлары бары да келалмагъандыла, КЪЧКУ-ну доценти Хубийланы Ахмат, Къарачай-Черкесни сыйлы художниги Маршенкъулланы Руслан, дагыда юч жаш художник келгендиле. Мен, художник, алда быллай темагъа сурат ишлемегенме, асламысында акварель бла табийгъатны суратын этгенме. Журтубайланы Махтини бла Будаиланы Назирни бир кюн таныгъанма мен. Малкъаргъа аланы бетлери бла къарарча, ма аллай сейир адамла эдиле экиси да. Махти айтып тургъанды, татыуун ангыласагъыз, сиз бу эпосузу сансыз этип турлукъ тойюл эдигиз деп.

Сурат ишлеу санатда тематикагъа кере жазылгъан сюжет ызы белгилеу бек къыйын ишледен бириди. «Къарашауай бла Гемуда» деген суратны этгенимде, ма бу башха суратлада да Жабелланы Лидия бла

Журтубайланы Махтини къыйынлары уллуду. Не кийгендиле нартла? Къаллай сауут жюрютгендиле? Къалай жашау мадар этгендиле? Соруюла кеп эдиле. Лидия кеси сабийлен ангыларча китап жазганды нартланы юслеринден. Анга сурат эт деп тилегенимде, мени хунерим жетерик эсе деп, бир-эки сурат этген эдим. Ары салганды аланы.

Ма алай, Лидияны башламчылыгы, аны мадарымлыгы, тынчсызлыгы бла барыбызны да, жаш художниклени да жыйып, бир бирибиз бла танышдыргъанды, семинар бардырып, нартла жашауу бла шагъырей этгенди.

Ма бу сиз көрген көрмюч алай къурагъанды, суратланы асламысы ол жыйылыудан сора жазылгандыла. Быллай ата-бабадан хапар айтхан көрмючле бизни маданият байлыгыбыз тас болмазына себеплик этдиле. Бу ишни башы – нарт эпосузгъа эс бурулуп башланганды», – дегенди.

Ол кюн музейде Ташлы-Таланы «Ийнар» жыр къаууму нарт жырланы айтханды, Башийланы Фатима къобуз, Мусукаланы Жамиля уа къыл къобуз сокъгандыла.

Көрмюч 12 февральгъа дери ишлерикиди.

МУСУКАЛАНЫ Сакинат.

Учредитель: Къабарты-Малкъар Республиканы Парламентини бла Правительствоу

Баш редактор
КЪОНАКЪЛАНЫ Хасан

РЕДКОЛЛЕГИЯ:
ТЕКУЛАНЫ Хауа
(баш редактору орунбасары),
ЖАНГУРАЗЛАНЫ Нажабат
(баш редактору орунбасары),
ТОКЪЛУЛАНЫ Борис
(жууаплы секретарь),
МУСУКАЛАНЫ Сакинат,
ТИКАЛАНЫ Фатима,
ТРАМЛАНЫ Зухура,
УЛБАШЛАНЫ Мурат.

ТЕЛЕФОНЛА:

Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 40-03-24. Секретариат - 40-93-62. Корректорла - 42-63-52.

Газет Басманы эм асламы информацияны эркинликлерин къоруулау жаны бла Къабарты-Малкъар регион инспекцияда 2016 жылда 19 декабрьде регистрация этилгенди.

Регистрация номер — ПИ № ТУ07-00118. Индекс - ПИ 5893

Газетни басмагъа «КЪМР-Медиа» ГКУ-ну компьютер службасы хазыр этгенди.

Газет «Издательство «Южный регион» ООО-ну типографиясында басмаланганды. Ставрополь край, Ессентуки ш., Никольский орам, 5а

Номерге графикге кере 19.00 сагъатда къол салынады. 20.00 сагъатда къол салынганды.

ГАЗЕТНИ НОМЕРНИ ЧЫГЪАРГЪАНЛА:

Мусукаланы Сакинат - дежурный редактор, Кучукланы Сафият, Кетенчиланы Зульфия - жууаплы секретары орунбасарлары; Зезаланы Лида (1,2,3,10-чу бетле), Геляланы Валя (4,10,11,12-чи бетле) – корректорла.

Тиражы 1712 экз. Заказ №207 Багъасы эркинди.

РЕДАКЦИЈНЫ ЭМ ИЗДАТЕЛЬНИ АДРЕСИ:



360000, Нальчик шахар,
Ленин аты проспекти, 5

электронный почтасы:
elbor_50@mail.ru